



Broj: 01/2-04-1203-3/2025
Breza, 09.05.2025. godine

Na osnovu člana 64. stav (1) tačka (b), člana 70. st. (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24) i člana 39. Statuta Općine Breza („Službeni glasnik Općine Breza“ broj: 7/21), na Preporuku Komisije za javnu nabavku (broj: 02/1-2-11-1249-10/2025 od 07.05.2025. godine) u postupku javne nabavke usluga: „Izrada Glavnih projekata iz oblasti visokogradnje za LOT 1: Izrada Glavnog projekta: Stambeno zbrinjavanje Roma „Opremanje četiri stambene jedinice“, Općinski načelnik d o n o s i

ODLUKU
o izboru najpovoljnijeg ponuđača
„Izrada Glavnih projekata iz oblasti visokogradnje
za LOT 1: Izrada Glavnog projekta: Stambeno zbrinjavanje Roma „Opremanje
četiri stambene jedinice“

Član 1.

Prihvata se Preporuka Komisije za javne nabavke (broj: 02/1-2-11-1249-10/2025 od 07.05.2025. godine) i Ugovor za javnu nabavku usluga: „Izrada Glavnih projekata iz oblasti visokogradnje za LOT 1: Izrada Glavnog projekta: Stambeno zbrinjavanje Roma „Opremanje četiri stambene jedinice“, dodjeljuje se izabranom ponuđaču **Javno preduzeće za prostorno planiranje i uređenje grada „ZENICA“ d.o.o. Zenica**, za ponuđenu cijenu **od 4.102,56 KM bez PDV-a, odnosno 4.799,99 KM sa PDV-om**, u skladu sa ponudom Ponuđača (broj: 03-1-4149/25 od 24.04.2025. godine).

Član 2.

- (1) Prijedlog Ugovora o nabavci dostavit će se na potpis izabranom ponuđaču u roku od 10 (deset) dana, računajući od dana kada su svi ponuđači obaviješteni o izboru najpovoljnije ponude.
- (2) Izabrani ponuđač je u svojoj ponudi dostavio ovjerenu kopiju dokumenata iz člana 45. stav (1) tačke c) i d) Zakona o javnim nabavkama („Službeni glasnik BiH“, broj: 39/14, 59/22 i 50/24), u skladu sa tačkom C) 7.1. Tenderske dokumentacije, te oslobađa naknadnog dostavljanja istih.
- (3) U slučaju da izabrani ponuđač ne postupi u skladu sa članom 72. stav (3) Zakona o javnim nabavkama, ova Odluka će se poništiti.

Član 3.

Za izvršenje ove Odluke zadužuje se i ovlašćuje Služba za privredu i Služba za finansije, inspeksijske poslove i opću upravu.

Član 4.

Ova Odluka objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Zahtjevom za pokretanje postupka javne nabavke broj: 02/1-2-11-1249/2025 i Odlukom o pokretanju postupka javne nabavke broj: 01/2-04-1203-1/2025 od 18.04.2025. godine.

Javna nabavka je provedena putem postupka konkurentskog zahtjeva za dostavu ponuda.

Procijenjena vrijednost javne nabavke za LOT 1: Izrada Glavnog projekta: Stambeno zbrinjavanje Roma „Opremanje četiri stambene jedinice“ iznosi 5.128,20 KM.

Obavještenje o nabavci broj: 726-7-2-13-3-12/25 objavljeno je na Portalu javnih nabavki dana 21.04.2025. godine i u „Službenom glasniku BiH“ broj: 24/25 od 25.04.2025. godine.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 28 (dvadeset i osam) ponuđača.

Izveštaj o preuzimanju tenderske dokumentacije je u prilogu Zapisnika o pregledu i ocjeni ponude.

Komisija za javnu nabavku imenovana je Rješenjem Općinskog načelnika broj: 01/2-04-1203-2/2025 od 30.04.2025. godine.

Komisija za javnu nabavku dostavila je dana 07.04.2025. godine, Zapisnik o pregledu i ocjeni ponuda, broj: 02/1-2-11-1249-9/2025 i Preporuku o izboru najpovoljnijeg ponuđača, broj: 02/1-2-11-1249-10/2025 u postupku javne nabavke za LOT 1: Izrada Glavnog projekta: Stambeno zbrinjavanje Roma „Opremanje četiri stambene jedinice“.

Na javnom otvaranju ponuda je prisustvovao Adnan Hodžić – predstavnik Ministarstva za ljudska prava i izbjeglice Bosne i Hercegovine.

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije)
- da su blagovremeno zaprimljene 2 (dvije) ponude,
- da nije bilo neblagovremeno zaprimljenih ponuda,
- da su ponude ponuđača: Javno preduzeće za prostorno planiranje i uređenje grada „ZENICA“ d.o.o. Zenica i Institut za građevinarstvo „IG“ Banja Luka, prihvatljive ponude.

Ponudač je dostavio sljedeću cijenu ponude:

Naziv / ime ponuđača		Ponuđena cijena bez PDV-a	PDV (17%)	Ponuđena cijena sa PDV-om
1.	Javno preduzeće za prostorno planiranje i uređenje grada „ZENICA“ d.o.o. Zenica	4.102,56	697,43	4.799,99
2.	Institut za građevinarstvo „IG“ Banja Luka	4.999,00	849,83	5.848,83

Ugovorni organ nije predvidio tenderskom dokumentacijom niti u sistemu „E-nabavke“ provođenje e-aukcije.

S obzirom da je predmet nabavke intelektualni rad, e-aukcija se ne može zakazati, nego se postupak okončava u skladu sa članom 4, stav (3) Pravilnika o uslovima i načinu korištenja e-aukcije, („Službeni glasnik BiH“ broj: 80/23).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, u skladu sa kriterijima iz Tenderske dokumentacije.

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.

Žalba se podnosi u pisanoj formi Uredu za razmatranje žalbi, a putem Ugovornog/prvostepenog organa.

Predlagač: Služba za privredu, Salih Hasanspahić_____

Obrađivač: Jasmina Došlić_____

DOSTAVLJENO:

1x Svim ponuđačima koji su učestvovali u postupku JN

1x Služba za privredu

1x Služba za finansije, inspekcijske poslove i opću upravu

1x web stranica

1x Evidencija

1x a/a

OPĆINSKI NAČELNIK

Vedad Jusić